

penfas in nihilum recidisse viderent; qui etiam invicem conquerebantur se à publicis Reipublicæ muniis tanquam peregrinos jampridem exclusos. Comes autem alacer ubique se & Religionis & patriæ libertatem asserturum perstrepat, tumultuantes ubique in fidem recepit, auxilia subministrat, diffidentes confirmat, & ad Anglorum in Hibernia imperium labefactandum strenue incumbit, spe lactatus quam Hispanus apparatu bellico cum nonnulla pecunia subinde submisso ostentabat, & Pontifex Romanus promissis & indulgentiis alebat, Phœnicis pluma præmissa, fortitan quia PP. Vrbanus Tertius Joanni Regis Henrici Secundi filio Hiberniæ Domino designato Coronulam ex pavonis plumis contextam olim miserat.

Iam victoriis exultans ut magnitudinem ubique ostentaret suam, & incendium quod absens in Momonia conflaverat, præsens magis excitaret, sub specioso religiosoque obtentu invisendi frustulum ligni Crucis Dominicæ quod asservari in Tipperariensi S. Crucis monasterio creditur, media hyeme eo profectus est, prædonesque in fidelium subditorum agros immisit duce *Mac-Guiro*, qui forte fortuna incidit in Warhamum de *S. Leodegario* sive *Sent-leger* Equitem auratum, qui illum adaucta hasta transfixit, ab illo simul transfixus. Cui cum Comes iusta fecisset, domum omnium opinione citius accelerat, audito Ormondia Comitum *Generalem exercitus* designatum copias undique contrahere, & Carolum *Blunt* Baronem *Mont-joy* Proregem adventare. Huic antea Regina hanc provinciam animo decreverat, sed Robertus Essexiæ Comes (qui ut de militaribus viris, quibus sollicitè se insinuavit, melius mereretur, eandem licet minus aperte ambivit) omnino obstitit, quasi nullis fuisset ille castrorum experimentis, nisi in Belgio, nullis clientelis, non ita à re instructus, & libris plus nimio immerfus.

In Hibernia appulit ille mense Februario sine strepitu, paucis comitatus, imperiumque suscepit. Rem autem Hibernicam admodum ægotam imo desperatam, & quasi funere jam efferendam invenit, optimus enim quisque ex adversis sine spe remedii vel allevamenti elangebat, pessimi rebus ad voluntatem continua serie affluentibus exultabant, & ipse Comes nemine obistente ab extrema Ultonia in Momoniam triumphantis instar insulæ longitudinem permenfus erat. Vt Proregem jam recentem rebelles exterrerent, in ipsis Dubliniæ suburbiis classicum cecinerunt, verum ille animo inflammato ipsum Comitem aggredi exardebat, quem Momonia rediturum audiverat. Convocata itaque tumultuaria manu (delectæ enim cohortes jam erant in Momonia cum Ormondia Comite) in *Fereal* ut Comiti viam præcluderet, & prælio exciperet festinavit: sed sua celeritate prævertit eum Comes de consilio Proregis certior factus, nonnullos enim habuit ille è Consilio Regio semper sui perquam studiosos. Prorex Dubliniam reversus totus erat in delectu veteranorum habendo, qui ad *Logh-Foil* & *Bala-Shanon* prope ostium *Erni* lacus navigio mitterentur, ut Comitem præfidiis ibi positis à tergo & latere premerent, nec non de subsidio ad præfidiarios in *Lease* & *Ophaly* submittendo, quod tot hostibus circumfusus plenum erat periculi & difficultatis. Mense Majo ineunte signa Ultoniam versus promovit Prorex, eo consilio ut Comitem diverteret, dum Henricus *Docwra* ad *Logh-Foil*, & Morganus ad *Bala-Shanon* præfidia firmarent, quod illi facili negotio præstiterunt, dum Comes à Prorege quotidie levibus præliis distineretur, semper sibi adeo adversis, ut jam Martis aleam esse conversam & se ad sua repulsum sentiret. Iunio medio Prorex reversus, cum jam præfidia quæ dixi erant disposita, petiit ex Anglia aliquot vexillationes & com meatum ad præsidium etiam ad *Armach* ex hac parte locandum, ut rebelles in angustiora spatia redigeret. Interim in *Lease*, quod omnium Lageniæ rebellium erat perflugium profectus, *Ony-Mac-Rory-Og* principem familiæ *O-More* juvenem sanguinarium & projectissimæ audaciæ, qui tantas nuper in Momonia turbas dederat, cum aliis scelestissimis occidit, agrisque vastatis rebelles in sylvas & saltus ita fugavit, ut in illis partibus vix postea conspicerentur. Cum jam ex Anglia nova subsidia advenissent, licet inopia erat & frumenti, & pecuniæ, & Equinoctium præterierat brumescente in illa plaga jam cœlo, ad ingressum *Mogheria* tertio ultra Dondalkiam milliari in progressus est. Transitus ille est totius fere Hiberniæ natura impeditissimus; quem ita sepimentis, palis defixis, cratibus junctis ac saxis medio injectis, & cespitibus inter montes, sylvas & paludosas voragines utrinque magna arte, sed majori indutria transverse rebelles communierant, & numerofo milite complebant. Accessit etiam magna cœli inclementia, pluvia per aliquot dies continua, qua fluvii aucti alveis egressi, erant omnino impervii. Vbi subsiderunt aquæ, Angli sepimenta illa animose perruperunt, & hostibus depulsis superatisque difficultatibus, ad octavum ab Armachia lapidem (ad Armachiam enim rebelles omnia depasti erant) Præsidium posuit, quod in memoriam *I. Norrisi* sub quo prima militiæ rudimenta Prorex fecerat, *Mont-Norris* appellari iussit, cui virum strenuum & gnavum *E. Blany* præfecit qui rebelles postea hac in parte, ut Henricus *Docwra* in altera graviter exer-

Carolus
Blunt Pro-
rex 1600.

Mogheria
vulgo.

exer-